

Kjære medlem av Fyresdal Røde Kors.

Nytt år og nye moglegheiter, håpar det blir eit år der me har lagt bak oss det meste av pandemien, sjølv om den vil vere blant oss lenge ennå. Fram til skrivande stund (slutten av november) har me vore heldige og flinke her i kommunen (skrive 25 nov). La oss håpe det held fram.

Det har vore eit aktivt år for Røde Kors, sjølv med restriksjonar ift. arrangement, møter og liknande. Hovudvekta på jobben i år har vore å delta på gjennomføringa av vaksinerings, der me har deltatt saman med kommunen sitt dyktige helsepersonell. Til saman har vi vore der omlag 35 veker og godt over 200 timar. Triveleg og godt samarbeid. Me ser at det nok kan bli meir av denne type sosiale oppdrag i framtida og vil vektlegge dette feltet. Dette gjer til at det vil vere eit auka behov for folk til slike oppgåver.

Vidare deltok me på friluftsmånaden. Fyrst ut var sanitetsvakter på to nye arrangement i bygda, Førsdalstrasken og Pride. Det var ein dag med strålande vêr, god stemning og mykje folk. Me var også med to dagar på rappelering i Hamaren.

I haust var det Stortingsval. Me fekk i oppdrag av kommunen å vere til stades begge dagane, med fokus på smittevern.

Me har hatt ein leiteaksjon, i nedre Birtedalen. Denne gjekk godt, avklaring etter ca 5 timar i krevjande terreng. Fire av vårt mannskap var ute, saman med politi og hundepatruljar.

Investeringar i år er ny kapellhengar for transport av snøskuterar. Pant er ein stor del av inntekta vår og det er behov for meir kapasitet, me har kjøpt inn 5 pantekonteinrarar som er større og sikrare enn dei me har frå før.

Me har i haust starta «Kvalifisert førstehjelpskurs» på 36 timar. Dette skal avsluttast på nyåret.

Når dette blir lese er me sikkert i gang med løypekøyring i Birtedalen. Her får me samtidig trening for mannskap. Med 3 skuterar av nokså ny årgang er det triveleg å vere med, og her er det plass til fleire. Utgangsplass for køyring er RK-hytta som alle medlemmene kan bruke, når dei må ynskje.

Det blei ikkje noko Trollrally i 2021 men me satsar på eit stort og flott treff i slutten av august 2022. Her er behov for folk og det vil me kome tilbake til.

Me har godt og tenleg materiell for oppgåver framover. Når det er sagt vil me gjerne få meir mannskap, som nemnt spesielt til det meir sosiale feltet der behovet nok blir større. Dette kan vere i forhold til vaksinerings (som nå), ferie for alle (FFA) og ulike naturkatastrofar.

Om du ynskjer å snakke med oss er me er å treffe på:

Tlf: 97478835.

E-post: fyresdalrodekors@yahoo.no

Du kan også ta kontakt med nokon i styret om du ynskjer det.

Me vil nytte høvet til å ynskje alle eit godt og fredeleg nytt år.

Styret i Fyresdal Røde Kors

v/ leiar Arne Dag Lassemo